

## *Umhverfisstefna Hafnarfjarðarhafnar*

- Hafnarfjarðarhöfn hefur að leiðarljósi að vera til fyrirmyndar í umhverfismálum, stuðla að vistvænni starfsemi og lágmarka óæskileg umhverfisáhrif vegna þeirrar starfsemi sem fram fer á hafnarsvæðinu.
- Hafnarfjarðarhöfn leggur áherslu á virka umhverfisvöktun og hefur tekið upp kolefnisbókhald og kolefnisjöfnun á rekstri hafnarinnar.
- Hafnarfjarðarhöfn leggur áhersla á að efla umhverfisvitund starfsmanna hafnarinnar og þeirra viðskiptavina og þjónustuaðila sem starfa á hafnarsvæðinu.

### **Almennir starfshættir**

- Framfylgja skal með skýrum hætti öllum lagalegum kröfum sem eiga við um hollustu, heilbrigði og umhverfismál vegna starfsemi á hafnarsvæðinu.
- Starfsmenn hafnarinnar skulu hafa greiðan aðgang að fræðslu um umhverfismál.
- Við innkaup á vörum og þjónustu skal litið sérstaklega til umhverfisþátta.
- Fylgst skal með því að öll fyrirtæki sem starfa innan hafnarsvæðis fylgi þeim starfsleyfiskröfum sem þeim eru settar af stjórnvöldum eða hafnaryfirvöldum.

### **Vistvænar samgöngur**

- Lögð er áhersla á að nota vistvæn faratæki á vinnusvæði hafnarinnar.
- Hafnarfjarðarhöfn er með bæði rafmagnsbíl og rafmagnshjól í sinni þjónustu.
- Við endurnýjun farartækja skal leitað eftir vistvænum og sparneytnum tækjum.
- Vinna á hafnarsvæði skal skipulögð þannig að dregið sé úr þungaakstri sem kostur er.
- Á opna hafnarsvæðinu skal tryggð örugg umferð gangandi og hjólreiðafólks.

### **Lýsing og hávaði**

- Til að draga úr orkunotkun við raflýsingu skal koma upp led-lýsingu til að lýsa upp hafnarsvæðið og einnig við lýsingu í neyðarstigum á hafnarbökkum.
- Gæta skal að því að lýsingabúnaður sé rétt stilltur til að koma í veg fyrir ljósmengun.
- Kappkosta skal að halda í lágmarki hljóðmengun frá hafnarsvæðinu.
- Til að draga úr hljóðmengun ber að raftengja öll skip sem geta tengst rafþjónustukerfi hafnarinnar.
- Stefnt skal að því að efla enn frekar raftengingar svo hægt verði að tengja bæði stærri frystitogara og millistór farþegarskip með orkuþörf allt að 5 MW.

## Úrgangur og spilliefni

- Fækka skal sem kostur er notkun á mengandi og hættulegum efnum.
- Fyrirbyggja skal að mengandi efni berist í fráveituvatn.
- Traust ílát skulu vera til staðar á hafnarsvæðum til að taka við spilliefnum.
- Tryggja skal skráningu, skil og endurvinnslu á spilliefnum sem koma frá hafnarsvæði.

## Neysluvatn

- Tryggja skal í samvinnu við Vatnsveitu Hafnarfjarðar bestu gæði neysluvatns sem kostur er á til afgreiðslu til skipa.
- Gæðaeftirlit skal vera með allri vatnsþjónustu á hafnarsvæðinu. Sýnataka fari fram með reglubundnu millibili og vottorð um vatnsgæði liggi fyrir frá Heilbrigðiseftirliti.
- Hefta skal sem kostur er sjálfrennandi vatn úr slöngum á hafnarsvæði.

## Skipulag/framkvæmdir

- Horfa skal til allra umhverfisþátta við skipulag og framkvæmdir á hafnarsvæðinu.
- Nýta skal dýpkunarefni og jarðveg frá framkvæmdum á svæðinu til landfyllingar á hafnarsvæði sem kostur er.
- Opin hafnarsvæði skulu vera aðgengileg almenningi og umhirða þar til fyrirmyndar.

## Umhverfisvöktun

- Starfsmenn hafnarinnar skulu fylgjast dags daglega með öllu umhverfi og umgengni á hafnarsvæði og sjá til þess að farið sé að reglum og gripið til aðgerða ef þörf er á.
- Öll starfssemi hafnarinnar er skráð í kolefnisbókhaldi og reksturinn kolefnisjafnaður.

## Viðbragðsáætlanir

- Til staðar er viðbragðsáætlun við bráðamengun, staðfest af umhverfisstofun, sem nær til allra hafnarsvæða innan Hafnarfjarðarhafnar.
- Búnaður til fyrstu viðbragða vegna olíumengunar skal vera til staðar á hafnarsvæðinu.
- Samningur er í gildi við Slökkvilið höfðuborgarsvæðisins um sérfræðiþjónustu vegna mengunarslysa, sértækan tækjabúnað og þjálfun starfsmanna.